

UGOVOR

Br.0602-4508-5/19

o nabavci usluga protivprovalnog obezbjeđenja objekata sa uslugama održavanja i ispravnosti alarm-sistema i sistema video nadzora

UGOVORNE STRANE

UGOVORNI ORGAN: KJKP „Pokop“ d.o.o. Sarajevo, Mula Mustafe Bašeskije 38, kojeg zastupa direktor, Goran Cerić u daljem tekstu: Ugovorni organ)
ID broj: 4200119040004; porezni broj PDV: 200119040004;

DOBAVLJAČ: „DSC“ d.o.o. Sarajevo Agencija za zaštitu ljudi i imovine, Ante Fijamenga 14b, kojeg zastupa direktorica Branka Baltić. (u daljem tekstu: Dobavljač)
ID broj: 4200144230004; porezni broj PDV: 200144230004;

UVODNE ODREDBE

Član 1.

Ovaj Ugovor se zaključuje na osnovu provedenog Direktnog postupka za javnu nabavku –usluga protivprovalnog obezbjeđenja objekata sa uslugama održavanja i ispravnosti alarm-sistema i sistema video nadzora, prihvaćene ponude Dobavljača broj 0602-4508-3/19 od 27.12.2019.godine i Odluke o izboru najpovoljnijeg ponuđača broj 0602-4508-4/19 od 27.12.2019.godine.

PREDMET UGOVORA

Član 2.

Predmet ovog Ugovora je nabavka usluga protivprovalnog obezbjeđenja objekata sa uslugama održavanja i ispravnosti alarm-sistema i sistema video nadzora, prema prihvaćenoj ponudi sa specifikacijom usluga, koja čini sastavni dio ovog Ugovora.

Član 3.

Pod stalnom tehničkom zaštitom podrazumjeva se nadzor objekata putem tehničkih sredstava zaštite koji su povezani s dojavnim centrom smještenim u poslovnim prostorijama Dobavljača, u terminu kada je sistem uključen. Pod zaštitom se podrazumjeva zaštita od provala i zaštita od krađa.

UGOVORENA CIJENA

Član 4.

Ugovorena cijena za usluge iz člana 2.ovog Ugovora iznosi :

Cijena usluge koja su predmet ovog Ugovora bez PDV-a iznosi	5.900,00 KM
PDV na ponuđenu cijenu usluga iznosi	1.003,00 KM
Cijena usluge koja su predmet ovog Ugovora sa PDV-om iznosi	6.903,00 KM

PLAĆANJE

Član 5.

Ugovorni organ će plaćanje cijene iz člana 4. ovog Ugovora, izabranom Dobavljaču izvršiti u roku do 30 (trideset) dana nakon prijema uredno ispostavljene fakture za izvršenu uslugu, na transakcijski račun naznačen na fakturi. Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

ROK REALIZACIJE

Član 6.

Dobavljač se obavezuje da će uslugu definisanu članom 2. ovog Ugovora vršiti u toku 24 (dvadesetčetiri) sata dnevno, svakim danom uključujući dane vikenda i praznika.

OSIGURANJE I NAKNADA ŠTETE

Član 7.

Dobavljač se obavezuje nadoknaditi Ugovornom organu svaku štetu koja nastane njegovim neispunjenjem ugovorenih obaveza, te koju prouzroči njegov uposlenik na radu ili u vezi s radom.

Dobavljač ne odgovara za štetu nastalu kao posljedica tehnički neispravnih instalacija i uređaja na objektu koji se nalazi pod zaštitom, osim u slučaju ako on ne odgovara za njihovu ispravnost, a što je preduvjet za kvalitetno pružanje ugovorene usluge.

Dobavljač ne odgovara za štetu nastalu zbog više sile, koja se nije mogla predvidjeti i pravodobno otkloniti ili je šteta nastala kao posljedica postupanja koja nisu pokrivena vrstama dogovorenih ovim Ugovorom.

Dobavljač odgovara za ispravnost ugrađenih ugovorenih tehničkih sredstava pod uvjetom da je istu nabavio i ugradio, te za istu osigurava službu za redovito održavanje i popravak ugrađenih dijelova.

OSNOVNE OBAVEZE DOBAVLJAČA

Član 8.

Pored obaveza predviđenih važećim propisima, Dobavljač se obavezuje poslati interventni tim na intervenciju objekata u slučaju da to Ugovorni organ zatraži telefonskom dojavom.

Dobavljač usluga je u obavezi:

- imati tehnički ispravan nadzorni centar za prijem i detekciju alarmnog signala putem telefonske analogne linije (PSTN)
- imati dežurnog operatora u nadzornom centru 24/24 sata
- imati spremnu mobilnu interventnu ekipu da reaguje po uputama dežurnog u nadzornom centru u momentu prijema i detekcije alarmnog signala putem PSTN u vremenu kako je definisano, osim u slučaju «više sile», kako je definisano Zakonom o obligacionim odnosima,
- ukoliko je uočena tehnička greška na alarmnom ili protivpožarnom sistemu o tome telefonom obavjestiti odgovornu osobu Ugovornog organa
- ukoliko nije moguće stupiti u kontakt sa odgovornom osobom Ugovornog organa, a tehnička služba Dobavljača te greške ne može odmah da otkloni, vršiti periodični obilazak objekta mobilnom interventnom ekipom do dolaska osobe, odnosno do otklanjanja kvara.

Dobavljač usluga ne preuzima nikakvu materijalnu odgovornost za učinjenu štetu na objektu Ugovornog organa prije dolaska mobilne interventne ekipe, niti za kvarove i nefunkcionalnost telefonske linije koja može uzrokovati prekid komunikacije alarmnog sistema sa nadzornim centrom.

Izuzeci od obaveze Dobavljača usluge: Dobavljač usluga neće odgovarati za štetu koja je nastala i to:

- za štetu nastalu usljed dejstva «više sile» koja podrazumijeva bilo koju direktnu ili posljedičnu štetu, koju nije bilo moguće predvidjeti ili u potpunosti spriječiti preventivnim aktivnostima (štete nastale usljed zemljotresa, poplava, snježnog nevremena, požara i sl.), kao i štete nastale kao posljedica nemira, terorističkih akata ili oružanih sukoba.
- za štetu nastalu usljed nedostatka i propusta Ugovornog organa, koje i pored upozorenja Dobavljača usluga Ugovorni organ nije u razumnom roku otklonio.
- za štetu nastalu na osnovu povrede intelektualnih prava Ugovornog organa, osim ako je do toga došlo kršenjem odredbi koje se odnose na povjerljivost.

OSNOVNE OBAVEZE UGOVORNOG ORGANA

Član 9.

Ugovorni organ se obavezuje da će Dovaljaču dati istinite obavjesti o građevinskim, arhitektonskim, instalacijskim i drugim osobinama objekta, pridržavati se uputa, savjeta i sugestija dobavljača, a sve zbog povećanja razine sigurnosti imovine koja se štiti.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 5. ovog Ugovora).

RASKID UGOVORA

Član 10.

Ugovorni organ ima pravo raskinuti ovaj Ugovor u sljedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa;
- ako Dobavljač ne izvrši uslugu kvaliteta datog u Ponudi;
- ako poslije djelovanja više sile nije moguće nastaviti realizaciju Ugovora.

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorne strane su saglasne da ni jedna strana drugoj neće dugovati nikakvo obeštećenje, niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 11.

Ugovorne strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorne strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 12.

Ugovorne strane su saglasne da se na sve što nije regulisano ovim Ugovorom, primjenjuju važeće odredbe Zakona o obligacionim odnosima.

Član 13.

Ovaj Ugovor stupa na snagu danom obostranog potpisivanja Ugovora od strane ovlaštenih lica ugovornih strana i važi 12 mjeseci.

Član 14.

Ovaj Ugovor je sačinjen u 6 /šest/ istovjetnih primjeraka, od kojih Ugovornom organu pripadaju 4 /četiri/ primjerka, a ostala 2 /dva/ Dobavljaču.

UGOVORNI ORGAN

KJKP „POKOP“ d.o.o. Sarajevo

direktor Goran Cerić



DOBAVLJAČ

„DSC“ d.o.o. Sarajevo Agencija za zaštitu ljudi i imovine

direktorica Branka Baltić



Broj, 0602-4508-5/19
Sarajevo, 28.12.2019. god.

Broj, 253 / 15
Sarajevo, 30.12.19 . god.